

# 普賢行願品

## ◎釋經題：

(一)總題：大方廣佛華嚴經

△佛經別名無量、立題方式不出「人」、「法」、「喻」三字七種

1. 單人立題—如：佛說阿彌陀經
2. 單法立題—如：大涅槃經
3. 單喻立題—如：大寶積經
4. 人法立題—如：文殊問般若經
5. 人喻立題—如：如來師子吼經
6. 法喻立題—如：妙法蓮華經
7. 具足立題—如：大方廣佛華嚴經

大—自性體	離絕義	} 別題
方—自性相	常偏義	
廣—自性用	包博義	
佛—覺者		
華—從喻得名	萬行圓成	
嚴—莊嚴果德		
經—梵語修多羅	此云：契經—通題	

△上契諸佛所說之理，下契眾生可度之機

} 又有鏡義：照正心行故	貫—貫穿應知之理
	攝—攝受應度之生
	常—三世不易
	法—十法界共遵之法則

(二)品目：入不思議解脫境界普賢行願品

入—證入、通能所

不思議解脫境界—所入、心思罔及故

普賢行願—能入、十大願王

品一類

◎釋人題：唐屬賓國三藏般若奉詔譯

△三藏—

- 經藏—定學
- 律藏—戒學
- 論藏—慧學

△本經是般若法師自唐代宗貞元十二年六月五日至十四年二月二十四日  
在大崇福寺所譯

◎發起序：本卷經文無證信序，亦即：信、聞、時、主、處、眾等六種成就

(一)結前因人讚佛廣偈

「爾時普賢菩薩摩訶薩稱歎如來勝功德已」

△以體性周徧曰普，隨緣成德曰賢

△菩薩—菩提薩埵—

- 總說—覺有情、發菩提心、上求下化
- 細說—
  - 1. 所求所度解
  - 2. 內有悲智解
  - 3. 勇進上求解
  - 4. 愚智對待解
  - 5. 丈夫十號解—離世間品中明

十種薩埵：1. 菩提薩埵 2. 摩訶薩埵 3. 第一薩埵 4. 名勝薩埵 5. 最勝薩埵

6. 上薩埵 7. 無上薩埵 8. 力薩埵 9. 無等薩埵 10. 不思議薩埵

△摩訶薩—摩訶是大，亦即大菩薩

△三種普賢—

- 1. 位前普賢—資加二位菩薩，曲濟無遺，鄰極亞聖
- 2. 當位普賢—十地等覺菩薩，證二空真如，行徧法界
- 3. 位後普賢—得果不捨因門菩薩

△普賢菩薩—能讚因人

△佛—所讚昆盧遮那佛

(二)結說果人讚佛亦不盡：

「告諸菩薩及善財言善男子如來功德假使十方一切諸佛經不可說不可說佛剎極微塵數劫相續演說不可窮盡」

△諸菩薩—華嚴海會四十一位法身大士

△善財—善是善根，是智慧，財是福德，求福求慧者曰善財

△大乘法的修學，只能有自己一個學生，其餘者都是老師、善知識，如此方能有所成就

△不可說不可說—印度數字單位，古印度共有124種數字計算單位，其算法為：

十萬為一洛叉，百洛叉為一俱胝，俱胝的俱胝為一阿庖多，從此以後，倍倍增積，一直到第123個計算單位才是不可說、不可說

△劫—梵語云：劫波，此云：時分，有小、中、大之分


一小劫約等於一千六百八拾萬年

二十小劫為一中劫，四中劫為一大劫

△此段經文說明能讚果人已勝，且多，同時又經剎塵久遠劫亦無能盡說佛功德，此顯示佛功德不思議、玄妙之極，亦即我們自性本具功德亦如是不可思不可議啊！

△發起序竟

◎正宗分—正示普因，即廣說能證普賢行願，令入法界，則成如來勝功德故



一、正示普因：




「若欲成就此功德門應修十種廣大行願」

△此功德門一指前所言佛德

△十一寄圓說十，即圓滿義

△希欲為願，造修為行

△賢首大師在華嚴玄義，明入道方便門有三：



●徵列名數：

「何等爲十一者禮敬諸佛二者稱讚如來三者廣修供養四者懺悔業障五者隨喜功德六者請轉法輪七者請佛住世八者常隨佛學九者恆順眾生十者普皆回向」

(一)禮敬諸佛—除我慢障，得尊貴身

(二)稱讚如來—除惡口障，得無礙辯，二種如來：(一)出纏如來

(二)在纏如來

(三)廣修供養—除慳貪障，得大財富，供養諸佛有二種—□ 1. 出纏供養 2. 在纏供養

(四)懺除業障—除三障，得依正具足

(五)隨喜功德—除嫉妒障，得大眷屬

(六)請轉法輪  
(七)請佛住世

—由勸請開出—除慢法障，得多聞智慧

(八)常隨佛學—回向菩提

(九)恆順眾生—回向眾生

(十)普皆回向—正云回向，即總該三處

—除狹劣障，成廣大善

●牒名別釋—  
一善財總徵  
二普賢別釋

一善財總徵：

「善財白言大聖云何禮敬乃至回向」

△白—下對上請示用詞

△告—上對下說話用詞

二普賢別釋—分十大段

(一)禮敬諸佛—  
1. 牒名  
2. 釋相  
3. 總結無盡

1. 牒名：

「普賢菩薩告善財言善男子言禮敬諸佛者」

△禮—屬身業，謂合掌、低頭、曲躬、俯伏、反掌、接足、俱身分事也

△敬—屬意業，謂收攝妄想，端秉一心，虔誠恭謹，撇散破昏，皆意地事也

△諸佛—指一切眾生，上自果地佛，下到六凡法界一切眾生

△大疏云有十種禮：


1. 我慢禮—如碓上下，無恭敬心
2. 唱和禮—高聲喧雜，辭句混亂
3. 恭敬禮—五輪著地，捧足殷重

△離垢慧經云：一一動作皆要發願，願有總別

總願：我今五輪於佛作禮，為斷於五道，離於五蓋  
令諸眾生常得安住五通，具足五眼

別願：願我右膝著地之時，令諸眾生得正覺道，願我左膝著地之時，令諸眾生於外道法中不起邪見，願我右手著地之時，猶如世尊坐金剛座，右手指地之時，震動現瑞，證大菩提，願我左手著地之時，於諸外道以四攝法而攝取之，令入正道，願我頭頂著地之時，令諸眾生離憍慢心，悉得成就無見頂相。

4. 無相禮—深入法性，離能所相
5. 起用禮—雖無能所，普運身心，如影普徧，禮不可禮
6. 內觀禮—但禮身內法身真佛，不向外求
7. 實相禮—若內若外，同一實相
8. 大悲禮—一一禮，普代眾生
9. 總攝禮—攝前六門，以為一觀
10. 無盡禮—入帝網境，若佛若禮，重重無盡



① 所禮境：

「所有盡法界虛空界十方三世一切佛刹極微塵數諸佛世尊」

△境—即稱性修成事造之境，理性橫偏豎窮，故事造之境，亦盡空偏界也

△十方—橫偏義

△三世—豎窮義

△諸佛—一切情與無情眾生


△世尊—證佛位者，即分證佛位或圓初住以上者

② 能禮因：

「我以普賢行願力故深心信解如對目前」

△能禮之因 —

- 1. 普賢行願力，此即法力—不依行願，不能偏故
- 2. 深心信解，此即自力—謂印持諸佛偏於時處，如對目前



甲、總明：

「悉以清淨身語意業常修禮敬」

△清淨三業—清淨簡異染業，身無三惡，口離四過，意無貪、瞋、邪見

△由染業故，惡道輪迴，今成佛因，須憑淨業也

乙、別顯：

「一一佛所皆現不可說不可說佛刹極微塵數身一一  
身偏禮不可說不可說佛刹極微塵數佛」

△前半段謂一佛之前，頓現多身，謂依前二力，故  
得於境能見多佛，於自能現多身

△後半段謂一身之禮等刹塵數，這是周徧相

△此段經文欲明一多無礙，故於身佛互舉一多

總結無盡——  
①顯無盡  
②彰無間

△準十地經有十無盡界，今此有二，謂虛空、眾生，於  
眾生中開出業惑故成四，眾生無盡，一一眾生有多業  
惑，彌顯無盡

△此經所說二種無盡，是觀能趣入行願故，又以觀行是  
對治門故，故眾生開出業及煩惱也

①顯無盡：

「虛空界盡我禮乃盡以虛空界不可盡故我此禮敬無有  
窮盡」

△前兩句經文是反顯無盡，後兩句經文是順釋無盡。

「如是乃至眾生界盡眾生業盡眾生煩惱盡我禮乃盡而  
眾生界乃至煩惱無有盡故我此禮敬無有窮盡」

△經文前四句是反顯無盡

△經文後二句是順釋無盡

②彰無間：

「念念相續無有間斷身語意業無有疲厭」

△不以普賢觀行之力，如何得念念不斷

△無以生滅之心，不以取相之禮而為禮，自然身語意



業無有疲厭

- (二)稱讚如來
- 1. 牒名
  - 2. 釋相
  - 3. 總結無盡

1. 牒名：

「復次善男子言稱讚如來者」

△稱—稱揚 讚—讚歎

△如來—佛的十種德號之一，說如來較偏重在理體，說佛則較偏重在事相上

2. 釋相
- ① 所讚境
  - ② 能讚因
  - ③ 能讚相

① 所讚境：

「所有盡法界虛空界十方三世一切剝土所有極微一一塵中皆有一切世間極微塵數佛一一佛所皆有菩薩海會圍繞」

△極微—一兔毛塵的七分之一為一水塵，水塵的七分之一為一金塵，金塵的七分之一叫一微量，微量的七分之一叫極微

△所讚境中，以三重無盡來說明境界相的廣大重重無盡

② 能讚因：

「我當悉以甚深勝解現前知見」

△能讚因者，乍看經文，似乎缺少法力，然既言「悉以」即亦含在其中

③ 能讚相：

「各以出過辯才天女微妙舌根一一舌根出無盡音聲海一一音聲出一切言辭海稱揚讚歎一切如來諸功德海窮未來際相續不斷盡於法界無不周徧」

△此段經文有四義：

1. 各以出過....言辭海—標能讚相
2. 稱揚讚歎這一句經文—正辨稱讚
3. 窮未來際，相續不斷—讚所經時
4. 盡於法界，無不周徧—明其周徧


△辯才—四無礙辯：

1. 法無礙—於一切法無不通達
2. 義無礙—於所詮道理無壅塞
3. 詞無礙—於諸方言辭通達自在
4. 樂說無礙—以前三種之智為眾生樂說自在

△微妙舌根—大經云菩薩有十種舌：

1. 開示演說無盡眾生行舌
2. 開示演說無盡法門舌
3. 讚歎諸佛無盡功德舌
4. 演暢詞辯無盡舌
5. 開闡大乘助道舌
6. 徧覆十方虛空舌
7. 普照一切佛刹舌
8. 普使眾生悟解舌
9. 悉令諸佛歡喜舌
10. 降伏一切諸魔外道，除滅生死煩惱，令至涅槃舌

△言出過者，本經出現品示：自在天王有天綵女，名曰善口，於其口中，出一音聲，其聲則與百千種樂而相應，彼天女者，出妙音聲，但合天樂，今以普賢勝解力，所出音聲，徧合法界，故云出過也。



① 顯無盡：

「如是虛空界盡眾生界盡眾生業盡眾生煩惱盡我讚乃盡」

△此段經文是反顯無盡

「而虛空界乃至煩惱無有盡故我此讚歎無有窮盡」

△此乃順釋無盡

②彰無間：

「念念相續無有間斷身語意業無有疲厭」

△不以普賢觀行力，如何得念念不斷

△無以生滅之心，不以取相之稱讚而稱讚，自然身語意業無有疲厭

(三)廣修供養

- 1. 牒名
- 2. 釋相
- 3. 總結無盡

1. 牒名：

「復次善男子言廣修供養者」

△廣修供養—廣羅五塵貴品，修飾百味珍饈，陳供法界如來，奉養十方海會

2. 釋相

- ① 正明供行
- ② 校量顯勝

①正明供行—甲、所供境 乙、能供因 丙、列所供具 丁、正明供養

甲、所供境：

「所有盡法界虛空界十方三世一切佛剎極微塵中一一各有一切世界極微塵數佛一一佛所種種菩薩海會圍繞」

△此段經文也是以三重無盡來說明所供境的重重無盡，廣大周徧

乙、能供因：

「我以普賢行願力故起深信解現前知見」

△能供之因— 1. 普賢行願力(法力) 2. 起深信解(自力)

丙、列所供具：

「悉以上妙諸供養具而爲供養所謂華雲鬘雲天音樂雲  
天傘蓋雲天衣服雲天種種香塗香燒香末香如是等雲  
一一量如須彌山王然種種燈酥燈油燈諸香油燈一一  
燈炷如須彌山一一燈油如大海水」

△須知一切諸佛，歷劫修因，皆修品物，供養世尊，  
如我釋尊，第二僧祇，於然燈佛前，買華布髮等，  
乃至得值八百四千萬億那由他佛，悉皆供養承事，  
無空過者

△諸供養具，不出五塵，華，眼根所對，色塵也，樂  
，耳根所對，聲塵也，衣，身根所對，觸塵也，香  
，鼻根所對，嗅塵也，酥，舌根所對，味塵也

△天是自然義，雲是隨緣義

丁、正明供養：

「以如是等諸供養具常爲供養」

△菩薩凡所設施，乃至一香一華一衣一蓋，一一供養具  
無不稱於真理，等虛空界，故修行者，但安心觀行，  
物物自多，皆徧佛也，故尋常云：願此香華雲，徧滿  
十方界，供養一切佛也

②校量顯勝 ————  
                  ┌ 甲、校量  
                  └ 乙、徵釋

甲、校量：

「善男子諸供養中法供養最」

△此經文總標以法供養爲第一

「所謂如說修行供養利益眾生供養攝受眾生供養代眾生苦  
供養勤修善根供養不捨菩薩業供養不離菩提心供養」

△此別釋文中，列明七行：

1. 如說修行供養：

△文殊章云：如說修行，如行而說，若不能爾，  
是亦不能利樂眾生，自疾不能救等

△大法句經云：雖誦千言，不行何益，不如一聞  
，勤修得益

△文殊章又云：如來從修行中來，若能修行，是  
則成就供養如來

2. 利益眾生供養：

△十地品云：所修善根，皆為救護一切眾生

又云：諸佛出世，本為利樂一切眾生故

3. 攝受眾生供養：

△經云：諸佛出世，為以慈悲攝眾生故，所以維  
摩居士以善方便居毗耶離，而常以六度  
行，來攝取眾生

△又一切菩薩皆以普門示現等，皆為攝取一切眾  
生安置佛道故

4. 代眾生苦供養：

△諸佛世尊，以大悲心，出現於世，而今言代苦  
，即上契佛心，是為真法供養也

5. 勤修善根供養：

△經云：不捨勤修一切善法，若不勤修一切善法  
，是亦不能利樂一切眾生，即與佛心相  
違，故勤修善根是法供養

6. 不捨菩薩業供養：

△經云：若捨菩薩所修事業，是亦不能利樂眾生  
，故以不捨菩薩業為法供養也

7. 不離菩提心供養：

△經云：若暫捨菩提心者，是亦不能利樂眾生

△又諸佛如來，以大悲而為體故，因於眾生，而起大悲，因於大悲，生菩提心，因菩提心，成等正覺，故不離菩提心，是為真法供養

「善男子如前供養無量功德比法供養一念功德百分不及一分不及一百千俱胝那由他分迦羅分算分數分喻分優波尼沙陀分亦不及一」

△俱胝—此方：千萬 那由他—此方：億

△迦羅—豎折人身一毛，以為百分，意謂盡人身之毛，皆為百分，取數多義

△優波尼沙陀—此之近少分，意取碎大塊為微塵

△維摩經云：「若施主等心施一最下乞人猶如如來福田之相無分別等於大悲大求果報是則名曰具足法施」平等布施，亦成法施，即知普賢觀行亦得名法供養

△永嘉謂：住相布施生天福，猶如仰箭射虛空，勢力盡，箭還墜，招得來生不如意

乙、徵釋：

「何以故以諸如來尊重法故以如說行出生諸佛故若諸菩薩行法供養則得成就供養如來如是修行是真供養故」

△以佛尊重法，故財供養不及法供養

3. 總結無盡—  
①顯無盡  
②彰無間

①顯無盡：

「此廣大最勝供養虛空界盡眾生界盡眾生業盡眾生煩惱盡我供乃盡而虛空界乃至煩惱不可盡故我此供養亦無有盡」

△廣大最勝四字，顯出前之多多財供，不徒財供，亦兼有法供，財法二供具足，稱理稱事，所以一一結歸無盡也

△虛空界盡...我供乃盡—此段經文是反顯無盡

△而虛空界...我此供養亦無有盡—此段經文乃順釋無盡

②彰無間：

「念念相續無有間斷身語意業無有疲厭」

△不以普賢觀行力，如何得念念不斷

△無以生滅之心，不以取相之供養而供養，自然身語意業無有疲厭

(四)懺除業障

- 1. 牒名
- 2. 釋相
- 3. 總結無盡

1. 牒名：

「復次善男子言懺除業障者」

△懺者梵音具云懺摩，此云悔過，所謂懺名陳露先罪，悔名改往修來

△心地觀經云：發露懺悔罪即消除

△懺業有三：

1. 伏業懺：伏令不生

2. 轉業懺：須明事理，方能轉

—事懺除末

3. 滅業懺：須智慧開，方能滅，如經云：罪如霜露慧日能除—理懺拔根

△障有：

- 二障 — 煩惱障：貪瞋癡擾惱有情之身心，故名之。
- 所知障：無明、不覺障所知之境，而不使現，故云所知障。
- 三障 — 煩惱障—貪、瞋、癡等之惑
- 業  障—五逆十惡之業
- 報  障—地獄、餓鬼、畜生等之苦報

△懺應須達逆順十心

- 順十心 — 1. 妄計人我，起於身見
  - 2. 內具煩惱，外遇惡緣，我心增盛
  - 3. 內外既具，滅善心事，不喜他善
  - 4. 縱恣三業，無惡不為
  - 5. 事雖不廣，惡心徧布
  - 6. 惡心相續，晝夜不斷
  - 7. 覆諱過失，不欲人知
  - 8. 虜扈抵突，不畏惡道
  - 9. 無慚無愧，不懼凡聖
  - 10. 撥無因果，作一闡提
- 病



從無始來，若自及他，無不皆爾

- 逆十心 — 1. 明信因果
  - 2. 自愧克責
  - 3. 怖畏惡道
  - 4. 不覆瑕玼
  - 5. 斷相續心
  - 6. 發菩提心
  - 7. 修功補過
  - 8. 守護正法
  - 9. 念十方佛
  - 10. 觀罪性空
- 藥



若不解此十心，全不識是非，云何懺悔，設入道場，徒為勞苦。

涅槃經云：若言勤修苦行是大涅槃因緣者，無有是處，即斯意也。



甲、正舉：

「菩薩自念我於過去無始劫中由貪瞋癡發身口意作諸惡業」

△貪瞋癡—業因 身口意—業緣，造業的工具

△業有善、惡、不動三種，今唯取惡，為懺除故


△經云：報有三種(1)現報(2)生報(3)後報，今懺三報皆懺

乙、顯多：

「無量無邊若此惡業有體相者盡虛空界不能容受」

△此段經文顯所作惡業廣多也，以無形故，不見相貌，有則溢空。

△據理而言，若懺此業清淨者，所獲功德，亦盡虛空界，不能容受，故婆沙論云：此懺悔一念之善，如有形色者，大千世界不能容受。



甲、正釋其相：

「我今悉以清淨三業」

△明懺業具，昔因三業無惡不為，今以三業一時齊懺

乙、明所對境：

「徧於法界極微塵刹一切諸佛菩薩眾前誠心懺悔後不復造恆住淨戒一切功德」

△徧者略有二意：(1)昔所造罪心事徧故，懺悔亦須周徧  
(2)稱法性故，何罪不除

△極微塵刹，一切諸佛菩薩眾前—即念十方佛，翻昔惡友

△誠心懺悔—簡不至心，緩縱情慮，罪不滅故

△後不復造—斷相續心

△恆住淨戒一切功德—修功補過

3. 總結無盡 —   
    ① 顯無盡  
    ② 彰無間

① 顯無盡：

「如是虛空界盡眾生界盡眾生業盡眾生煩惱盡我懺乃盡而虛空界乃至眾生煩惱不可盡故我此懺悔無有窮盡」

△如是虛空界盡．．．我懺乃盡—此段經文是反顯無盡

△而虛空界．．．我此懺悔無有窮盡—此段經文乃順釋無盡

② 彰無間：

「念念相續無有間斷身語意業無有疲厭」

△不以普賢觀行力，如何得念念不斷

△無以生滅心，不以取相之懺悔而懺悔，自然身語意業無有疲厭

(五) 隨喜功德 —   
    1. 牒名  
    2. 釋相  
    3. 總結無盡

1. 牒名：

「復次善男子言隨喜功德者」

△隨是隨順、不違逆，喜是歡喜、不厭惡，故隨喜能除嫉妒障

2. 釋相
- ① 隨喜諸佛善
  - ② 隨喜諸趣善
  - ③ 隨喜二乘善
  - ④ 隨喜菩薩善

① 隨喜諸佛善：

「所有盡法界虛空界十方三世一切佛刹極微塵數諸佛如來從初發心爲一切智勤修福聚不惜身命經不可說不可說佛刹極微塵數劫一一劫中捨不可說不可說佛刹極微塵數頭目手足如是一切難行苦行圓滿種種波羅蜜門證入種種菩薩智地成就諸佛無上菩提及般涅槃分布舍利所有善根我皆隨喜」

△所有盡法界虛空界十方三世一切佛刹—緣界廣

△極微塵數諸佛如來—言佛多

△從初發心爲一切智—從因至果，初發心是因，一切智是果

△爲智修福，方是佛因

△經文只言捨頭目手足，此乃舉內財之難尚捨，則身外財可知也

△布施度乃一切行門總綱，故舉一布施度，總括六度萬行，種種波羅蜜門

△證入種種菩薩智地—即十地也，前明福，此明智，福智具備，佛道成矣

△及般涅槃分布舍利—此言佛應滅遺形普濟也

般涅槃—入滅

舍利—(1)生身舍利，依戒定慧之薰修所成

(2)法身舍利，一切大小乘經卷

△所有善根，我皆隨喜—正言隨喜

②隨喜諸趣善：

「及彼十方一切世界六趣四生一切種類所有功德乃至一塵我皆隨喜」

△三善道固然有善可喜，而三途苦趣，有何善可論？彼雖極苦，不得謂無一塵之善也。故經才云：乃至一塵，我皆隨喜，即此意也。

③隨喜二乘善：

「十方三世一切聲聞及辟支佛有學無學所有功德我皆隨喜」

△聲聞—聞佛之言教而悟解者，有四果四向，從初果到四果向，皆居學地，研真斷惑，名有學位，唯第四阿羅漢果，真窮惑盡，名無學也。

△辟支佛—有二種：(1)緣覺—出現在有佛世，聞十二因緣而悟真諦之理者。

(2)獨覺—出現在無佛世，觀外緣而悟道者。

④隨喜菩薩善：

「一切菩薩所修無量難行苦行志求無上正等菩提廣大功德我皆隨喜」

△因稱菩薩，果號如來，前科諸佛之難行苦行，即居菩薩地中而行，以其志求無上菩提，無論行之粗妙大小，乃至一塵之福，無非是成佛之因，故云廣大功德皆隨喜也。

△隨喜四類，佛為最勝光明，餘之三類，從劣向勝，意

顯頓悟漸修之相。

△大品經隨喜品云：大千海水，一毛破為百分，滌取海水，可知其數隨喜之福不知其數，故結歸無盡也。

3. 總結無盡 ————  
① 顯無盡  
② 彰無間

① 顯無盡：

「如是虛空界盡眾生界盡眾生業盡眾生煩惱盡我此隨喜無有窮盡」

△顯此隨喜無盡

② 彰無間：

「念念相續無有間斷身語意業無有疲厭」

△不以普賢觀行力，如何得念念不斷

△無以生滅心，不以取相之隨喜而隨喜，自然身語意業，無有疲厭。

(六) 請轉法輪 ————  
1. 牒名  
2. 釋相  
3. 總結無盡

1. 牒名：

「復次善男子言請轉法輪者」

△請—勸請、請願義，轉—有輟轉傳授義，法—佛法、一切法


△輪有四義：(1)圓滿義：輪具轂、輻、輞三故，聖智亦爾，一具三故。

(2)摧壞義：輪能摧壞障礙，如聖道現前，能摧壞煩惱。

(3)鎮壓義：輪有碾平的功能，如法有鎮伏煩

惱義。

(4)不定義：從見道入修道，從修道入證道，  
自既證已，即起慈心，令他同證。



①舉所請境：

「所有盡法界虛空界十方三世一切佛刹極微塵中一一各有不可說不可說佛刹極微塵數廣大佛刹一一刹中念念有不可說不可說佛刹極微塵數一切諸佛成等正覺一切菩薩海會圍繞」

△所有盡法界．．．極微塵數廣大佛刹一標所請處，以兩重無盡顯所請處的廣大無邊


△一一刹中．．．一切菩薩海會圍繞一舉所請人，人有二，佛是果人，菩薩是因人

△言念念有不可說不可說等者一言所請境寬，能請心亦無邊也。

②正明請法：

「而我悉以身口意業種種方便殷勤勸請轉妙法輪」

△言勸請，即作禮圍繞，長跪說偈等種種方便，於是佛即鑒大小機，應機說法，名轉法輪耳。



①顯無盡：

「如是虛空界盡眾生界盡眾生業盡眾生煩惱盡我常勸請一切諸佛轉正法輪無有窮盡」

△顯此勸請無盡

②彰無間：

「念念相續無有間斷身語意業無有疲厭」

△不以普賢觀行力，如何念念不斷

△無以生滅心，不以取相之勸請而勸請，自然身語意業  
無有疲厭

(七)請佛住世 —

- 1. 牒名
- 2. 釋相
- 3. 總結無盡

1. 牒名：

「復次善男子言請佛住世者」

△勸請中別義

△法華經云：諸佛世尊出現於世，唯為一大事因緣，此一大事因緣，即開示悟入一切眾生佛知佛見，故眾生請佛住世，佛當為眾生住世轉妙法輪

△疏鈔云：眾生心淨，見佛常住，眾生心垢，見佛捨命，佛無生滅，隨機見殊，故知心淨觀佛，佛則常住，為真勸也

2. 釋相：

「所有盡法界虛空界十方三世一切佛刹極微塵數諸佛如來將欲示現般涅槃者及諸菩薩聲聞緣覺有學無學乃至一切諸善知識我悉勸請莫入涅槃經於一切佛刹極微塵數劫為欲利樂一切眾生」

△所有盡法界虛空界，十方三世一切佛刹一標處徧

△極微塵數，諸佛如來一顯佛多

△涅槃—古譯翻為入滅息，今翻云滅度，滅五住煩惱，度二種生死也

依唯識論說涅槃有四：

1. 自性清淨涅槃—謂真如之性，無始時來，本自清淨，  
雖有客塵，而能不染
2. 有餘涅槃—謂三乘聖人，雖斷盡見思，猶有無明餘在，  
由證得擇滅無為，離諸翳動，故號涅槃
3. 無餘涅槃—謂鈍根阿羅漢，厭苦欣寂，灰身泯智，歸  
入空寂，故稱無餘涅槃
4. 無住涅槃—出障真如，大悲般若，時常輔翼，由大悲故，  
不住涅槃，由般若故，不住生死，盡未  
來際，利樂有情，即用即寂，故稱無住

△聲聞緣覺親斷煩惱，證生空，如住持佛法，利益彌廣，且  
聲聞益物者，如舍利弗、須菩提，處處請問大乘、思勝  
滿慈、迦葉、阿難結集三藏等，能多利物，既有斯勝益，  
故須請也，又緣覺利物者，出無佛世，以神通攝生，供  
養者現世他身，獲果無盡，亦皆能利物，功德尤多，故  
須勸請

善知識能如法而說，如說而行，自遠十惡，亦令他離，自  
行十善，亦令他行，自行菩提，亦令他行，不自樂，常  
為眾生，不訟他短，常說善事，如大船師，善渡人，諸  
佛菩薩亦復如是，故須勸請

3. 總結無盡—
- ①顯無盡
  - ②彰無間

①顯無盡：

「如是虛空界盡眾生界盡眾生業盡眾生煩惱盡我此勸請  
無有窮盡」

△顯此勸請無有窮盡




②彰無間：

「念念相續無有間斷身語意業無有疲厭」

△不以普賢觀行力，如何得念念不斷

△無以生滅心，不以取相之勸請而勸請，自然身語意業無有疲厭




1. 牒名：

「復次善男子言常隨佛學者」

△此下三段皆屬回向，前二即回向中別義，以明自他二利行，本段屬於自利。

△常隨佛學者，謂托佛從因至果，所歷之行，所為之事，以為所緣之境，引得心智，隨而學之，謂以觀智融己身心，令常在如此之境，勿執身心定相，致令在慳貪瞋恚六塵五欲顛倒境也，若令佛所歷苦行境常為自己心觀者，則遇諸苦事，乃稱本願，而無怨惱，遇諸樂事，自無耽染，以非常時心觀之所願故，智者善思。



①明因行：

曰  
比

「如此娑婆世界<sup>曰</sup>虛遮那如來從初發心精進不退以不可

說不可說身命而為布施剝皮為紙析骨為筆刺血為墨書  
寫經典積如須彌為重法故不惜身命何況王位城邑聚落  
宮殿園林一切所有及餘種種難行苦行」

△佛本不離穢土修證，故略舉娑婆，而所歸之佛，便須  
稱實圓見故佛舉光明偏照(毗盧遮那)

△發心—即發菩提心，智度論云：若有人言，願我當來  
作佛，度脫一切眾生苦惱，是名發菩提心

發心十相：(1)親近善友(2)供養諸佛(3)修習善根(4)志求  
勝法(5)心常柔和(6)遭苦能忍(7)慈悲深厚(8)  
深心平等(9)愛樂大乘(10)求佛智慧

△精進不退—簡非懶惰懈怠，勇捍無退，名為進，萬行  
無雜，目之為精

精進有三：(1)披甲精進—無惡不斷

(2)善法精進—無善不修

(3)利樂精進—無有情不度

不退有四：(1)信不退—十信第六，名不退心，不退於  
外道家故

(2)位不退—十住第七，名不退住、不退二  
乘故

(3)證不退—初地菩薩，出過凡位，證聖法  
故，更不退轉，不退於凡位故

(4)行不退—第八地得無生忍已，必當作佛  
，更不退轉，一切法中，行一  
切行，不被相用之所動轉故

△以不可說不可說身命而為布施—此段經文專明檀波羅  
密，以檀度為諸度之首，舉一攝諸，故專明之，布施  
有(1)財施(2)法施(3)無畏施，今是財施，財施有二：(1)

內財(2)外財，內財捨身命，外財捨寶物，今是內財。

△剝皮爲紙．．．書寫經典—非僅財施，亦兼法施，此宜作二釋：

(一)隨相釋—亦即從因緣釋，或諸緣缺，必要記持聖言，故不惜身命剝皮析骨、或雖竹帛紙墨不少，要須重法苦身，以展誠敬之志，所以如此也，如集一切福德三昧經所云之公案，即本師在因地，曾爲一偈，剝皮爲紙，析骨爲筆，刺血爲墨，感得淨名王佛，爲廣說集一切福德三昧而得無礙辯。

(二)觀智釋—亦即從觀心釋，謂觀察此身，若皮若骨都無定實，舉體全空，無我我所，雖目睹似有之相，而乃如聚沫、如泡、如燄，如芭蕉，既無自體，元同法界，如是一一推徵，三諦具足，成空假中之三觀，詮此義時，生得此解，契合圓機，便是寫經，經是詮表生解義，不觀不推，即心迷取相，是無經也。

⑦辨果用：

「乃至樹下成大菩提示種種神通起種種變化現種種佛身處種種眾會或處一切諸大菩薩眾會道場或處聲聞及辟支佛眾會道場或處轉輪聖王小王眷屬眾會道場或處刹利及婆羅門長者居士眾會道場乃至或處天龍八部人非人等眾會道場處於如是種種眾會以圓滿音如大雷震隨其樂欲成熟眾生乃至示現入於涅槃」

△成大菩提—明得果

△神—不測之義 通—無礙義

△變—轉換舊形 化—無而忽有，有十八變：

(1)震動—震動大地，謂佛菩薩定自在力，普能震動。

(2)熾然盛—謂身相明顯也，由佛菩薩定自在力，於自

身上出其猛燄，舉身洞然，出種種光，青黃赤白等，如底沙如來入火光定，名熾也。

- (3)流布—佛與菩薩定自在力，令教法施行。
- (4)示現變—變異類形相。
- (5)轉變變—謂大小不定，由佛菩薩定自在力，起勝解通，變身大小不定，或變大地為黃金，或變一切物，皆令隨心。
- (6)往來變—或去或來，山河石壁無有滯礙，上至梵天，旁互十方，皆隨心便至。
- (7)卷—由佛菩薩定自在力，令須彌山入芥子中，無量世界在一塵內等。
- (8)舒—展小令大，令一塵一毛皆徧法界也。
- (9)眾像入身—身內包容一切形像，如摩耶夫人含容無邊世界大菩薩眾集會聽法。
- (10)往同類趣—由定自在力，能現身六道受生，同其形類，以彼言音說法教化。
- (11)隱—是從無現有，謂佛菩薩定自在力，於大眾前忽然不現。
- (12)顯—是從無現有，如靈山會上，從地湧出無量菩薩
- (13)所作自在—即無有壅滯也。
- (14)制他神通—謂佛菩薩定自在力，能制一切邪通也。
- (15)能施辯才—謂有志於佛及菩薩求聰慧者，悉能施與。
- (16)能施憶念—令知過去事。
- (17)能施安樂—佛及菩薩大慈悲力，拔苦與樂也。
- (18)放大光明—放光明照一切世界。

△佛身—總：法身、報身、應身

別：(1)眾生身(2)國土身(3)業報身(4)聲聞身(5)緣

覺身(6)菩薩身(7)如來身(8)智身(9)法身(10)虛空身等十身，此十身融攝三世間之諸法，而為毘盧正覺之體，故曰融三世間十身。

△轉輪聖王—以十善化世，不待兵戈，威伏四方，為人世第一大福德人，有七寶隨身，隨意自在，七寶中有一輪寶，王乘此輪，巡行四方，故曰轉輪聖王、輪寶有金、銀、銅、鐵四種，輪王有(1)金輪王，王四大洲(2)銀輪王，王東南西三大洲(3)銅輪王，王東南二大洲(4)鐵輪王，王南閩浮提一洲。

△小王—自輪王以下，領一國一州者，也就是一般所謂粟散王也。

△刹利、婆羅門—此舉四種族姓也。

(1)婆羅門—守道居貞，潔白其操。

(2)刹利—仁恕為志，奕世君臨、王種。

(3)吠舍—商賈之族。

(4)戍陀羅—農人也。

△人非人—緊那羅別名，似人非人也，又為天龍等八部眾之總稱。

△乃至示現入於涅槃—明歸真益物。

如本師云：我今於此顯難思議，現方便力，入大涅槃，示同世法，欲令眾生知身如電，生戀慕善。

又云：汝等當知，此大涅槃，乃是諸佛金剛寶藏，常樂我淨，周圓無缺，諸佛於此而般涅槃...

又云：我涅槃後，應疾修行，早出三有，勿復懈怠，散心放逸。

乙、辨能學：

「如是一切我皆隨學」

△一切一指本師因行及果用

②隨諸佛學：

「如今世尊毘盧遮那如是盡法界虛空界十方三世一切佛刹所有塵中一切如來皆亦如是於念念中我皆隨學」

△如今世尊毘盧遮那一承前結指，意謂我所以云皆隨學者，如今本師世尊毘盧遮那是也

△言念念中者，須知吾人自心，念念有佛成正覺也，如出現品云：佛子，應知自心念念常有佛成正覺，何以故，諸佛如來，不離此心，成正覺故，自心既爾，一切眾生心亦然。佛者覺也，一念覺，即一佛出世，念念覺，即諸佛出世，我念念思惟覺，即念念皆隨佛學也。

3. 總結無盡

- ① 顯無盡
- ② 彰無間

①顯無盡：

「如是虛空界盡眾生界盡眾生業盡眾生煩惱盡我此隨學無有窮盡」


△顯此隨學無有窮盡

②彰無間：

「念念相續無有間斷身語意業無有疲厭」

△不以普賢觀行力，如何得念念無間

△無以生滅心，不以取相之隨學而隨學，自然身語意業無有疲厭





1. 牒名：

「復次善男子言恆順眾生者」

△恆—恆常，順—隨順，謂隨順眾生種類根性饒益成就，是屬於利他行，而前隨佛學中標云自利，故可謂前智此悲也。

△佛言隨學，生云恆順者，諸佛因果之行，可宗可慕，順於真理，故須運心做學，眾生善惡之行，不離迷心，粗獷乖道，非可執持等，故不言學，但言順。

△然雖不學，必須曠蕩虛心，物我無二，自覺真性，凡聖不差，上合十方如來，下合六道含識，如斯見解，如是用心，方名普賢行願，故前門令合諸佛，此門令合眾生也，妙哉必爾，知者詳焉。



甲、明所順境：

「謂盡法界虛空界十方剝海所有眾生種種差別所謂卵生胎生濕生化生或有依於地水火風而生住者或有依空及諸卉木而生住者種種生類種種色身種種形狀種種相貌種種壽量種種族類種種名號種種心

性種種知見種種欲樂種種意行種種威儀種種衣服  
種種飲食處於種種村營聚落城邑宮殿乃至一切天  
龍八部人非人等無足二足四足多足有色無色有想  
無想非有想非無想」

△謂盡法界虛空界，十方剎海—總標方處，以顯境寬。

△所有眾生，種種差別—總標。

△所謂以下，是別釋，在別釋的經文中，先顯四生，後再明其餘五類。

△所謂卵生、胎生、濕生、化生—明四生—  
[依止差別  
種類差別  
受用差別]  
若四生配五道者，天及地獄，唯化生，鬼具胎化，胎生，指地行羅刹、夜叉及鬼子母兒，餘皆化生，人具四生，胎如常人，卵如毘舍佉母，卵生三十二子，濕生，如柰女，從菴蘿樹濕氣而生，即菴蘿女也，化生，如劫初之人，從二禪天下生人間。

△或有依於地水火風...及諸卉木而生住者—明依止差別。

△種種生類...種種威儀—明種類差別。

生類，天上六欲，人間四洲，以至羽毛鱗甲，萬別千差，色身，有粗有妙，形狀，有橫有豎，相貌，有妍有媿，壽命，有長有短，種族，有貴有賤，心性，有剛有柔，知見，有邪有正，欲樂，有善有惡，意行，有定有散，威儀，有動有靜，如是等猶若河沙，故言種種也。

△種種衣服...城邑宮殿—明受用差別。

△乃至一切天龍八部...非有想非無想—攝所餘類



△有色、無色、有想、無想、非有想非無想—正明五類。

有色—下二界皆有色陰，即有漏五根也。

無色—四空處，但以四蘊爲身，無色陰之五根也

有想—除無想天及有頂天以外，餘皆此攝。

無想—無想天。

非有想非無想—有頂天也。

乙、正明隨順：

「如是等類我皆於彼隨順而轉種種承事種種供養如敬父母如奉師長及阿羅漢乃至如來等無有異於諸病苦爲作良醫於失道者示其正路於闇夜中爲作光明於貧窮者令得伏藏菩薩如是平等饒益一切眾生」

△隨順而轉—隨如上彼彼眾生，生起觀智，故云轉也。

△如敬父母—謂對於眾生，同父母一樣看待，如梵網經云：一切眾生，男者是我父，女者是我母，我生生無不從之受生，故六道眾生皆是我父母。

△如奉師長—見眾生同師長。

△及阿羅漢，乃至如來—見眾生同彼出世四聖。

△以上明用心，底下明利生事業。

△於諸病苦，爲作良醫—病苦有(1)生理病(2)心理病



△於失道者，示其正路—道是菩提道，展而言之，菩薩道、聲聞道、天道、人道皆是正道，示其正路者，最初基本，先令知一切道的業因、能知因，自然不失道。

△於暗夜者，爲作光明—暗夜喻愚癡、迷惑，故使開慧、破迷，即爲作光明。

△於貧窮者，令得伏藏—貧窮喻道業的貧乏，伏藏

即指真如本性的智慧光明萬德萬能。

△菩薩如是平等饒益一切眾生—總結。



①徵：


「何以故」

△但應順佛，何要順生。

②釋：

「菩薩若能隨順眾生則為隨順供養諸佛若於眾生尊重承事則為尊重承事如來若令眾生生歡喜者則令一切如來歡喜」


△若順眾生，則為順佛，若不順眾生，佛不歡喜。



①徵：

「何以故」

△謂生佛懸隔，何以順生諸佛歡喜。



A、法說：

「諸佛如來以大悲心而為體故因於眾生而起大悲  
因於大悲生菩提心因菩提心成等正覺」

△此標同體大悲，意云：佛以大悲而為體性，若不順生，不合佛體。

B、喻明：

「譬如曠野沙磧之中有大樹王若根得水枝葉華果  
悉皆繁茂」

△曠野喻生死懸絕，迴無所依，不生善根喻以沙磧，佛菩提法如大樹王，智慧禪定猶如枝葉，菩薩依學，況之以華，諸佛證此，目之為果，一切眾生，以為其根，以大慈悲而為其水，水滋樹根，華果繁茂，悲念萬類，成就佛因。

C、法合

—	a	正合法
—	b	重徵釋
—	c	反結成
—	d	結示知

a、正合法：

「生死曠野菩提樹王亦復如是一切眾生而為樹  
根諸佛菩薩而為華果以大悲水饒益眾生則能  
成就諸佛菩薩智慧華果」

△經云：一切眾生而為樹根者，謂一切諸佛無不從迷而悟，從妄而真。

b、重徵釋：

「何以故若諸菩薩以大悲水饒益眾生則能成就  
阿耨多羅三藐三菩提故」

△經意云：夫智慧圓滿成就者，必須自他無異，物我同如，見一切眾生皆是我覺心所現，故益他，即是益我，生圓我智方圓。

c、反結成：

「是故菩提屬於眾生若無眾生一切菩薩終不能成無上正覺」

△此段經文宜以兩種釋法：

(一)對緣釋—前文云：因於眾生而起大悲，乃至成正覺，正是此文之註腳。

(二)觀心釋—亦有二意：

(1)攀緣妄想，即是眾生，妄即不覺，覺即無妄，無妄則合本覺，名為成佛。

(2)思惟觀察法義，此心念念生起，亦是眾生，必因此心，念念推察，方見正理，成智方證菩提，故云爾也。

d、結示知：

「善男子汝於此義應如是解以於眾生心平等故則能成就圓滿大悲以大悲心隨眾生故則能成就供養如來」

△意謂上來重重徵釋，可謂澈法底源，毫無覆隱，此種玄義，汝應如是領解，方知恆順眾生，即是增長大悲，圓成大悲，大悲順生，即是供養如來矣。

總結無盡—意同前

菩薩如是隨順眾生虛空界盡眾生界盡眾生業盡眾生煩惱盡我此隨順無有窮盡念念相續無有間斷身語意業無有疲厭」

皆回向—  
┌ 1. 牒名  
├ 2. 釋相  
└ 3. 總結無盡

1. 牒名：

「復次善男子言普皆回向者」

△普皆二字，收前九門功德，回謂回轉，向謂趣向，回已修善，向於三處謂實際、菩提及與眾生，除狹劣障，生廣大善。

2. 釋相—

- ①明所回善根
- ②正明回向

①明所回善根：

「從初禮拜乃至隨順所有功德」

△普收前九

②正明回向—

- 甲、回向眾生
- 乙、回向菩提

甲、回向眾生：

「皆悉迴向盡法界虛空界一切眾生」

△此科回向法界眾生，顯境廣

乙、回向菩提：

「願令眾生常得安樂無諸病苦欲行惡法皆悉不成所修善業皆速成就關閉一切諸惡趣門開示人天涅槃正路若諸眾生因其積集諸惡業故所感一切極重苦果我皆代受令彼眾生悉得解脫究竟成就無上菩提」

△願令眾生....開示人天涅槃正路—願生離苦得樂，截惡成善

△令盡界眾生，皆得如是，則橫徧十方，常得如是，則豎窮三際也

△惡趣門—貪瞋癡，人天涅槃正路—五戒、十善、四無

## 量心、六度萬行

△若諸眾生...究竟成就無上菩提一願發心代苦，成就菩提

△苦由業生，我無是業，何能代得呢？釋云略有七意：

- (1)起悲：謂明知自居凡夫地，事未必能
- (2)修行：謂修諸苦行，後能與物，作增上緣，即名為代
- (3)留惑潤生：謂自留微惑，受有苦身，為他說法，令不造因，因亡果變即名為代
- (4)捨命：謂若見眾生造無間業，當受大苦，無異方便，令不造業，願自斷命，自墮地獄，令彼脫苦，即名為代
- (5)由初：謂由初發心，常處惡趣，乃至饑世，身為大魚，即名為代
- (6)大願與苦皆同真性，謂願是修善，苦是修惡，二修皆性具，故曰同真以即真之大願，潛至即真之苦處，令彼潛消，即名為代
- (7)指體：謂菩薩以法界為身，自他不二，故眾生受苦，即菩薩受苦，無有異也，故須代苦

總結無盡—即第三回向實際也

菩薩如是所修回向虛空界盡眾生界盡眾生業盡眾生煩惱盡我此迴向無有窮盡念念相續無有間斷身語意業無有疲厭」

七科盡於法界，義同實際，大疏云：回向所以要三處者，凡是菩薩，必大悲下化，大智上求，更須離眾生相，及菩提相，故須三也，舉一即具，謂：

1)證實相，須向眾生，以化眾生，成自利，斷障證真故

，亦向菩提，速證菩提，具一切智，斷於二障，方窮實際故

(2)度眾生，須向實際，於惑自在，方能化故，亦向菩提，有上智，方能廣利故

(3)為得菩提，故向眾生，不度生，不證菩提故，亦向實際，不證實際，不得真果故

●結益令知：

「善男子是為菩薩摩訶薩十種大願具足圓滿若諸菩薩於此大願隨順趣入則能成熟一切眾生則能隨順阿耨多羅三藐三菩提則能成滿普賢菩薩諸行願海是故善男子汝於此義應如是知」


△善男子是為菩薩摩訶薩十種大願具結圓滿—總結普因，即正結前二

△若諸菩薩以下一結顯三處回向

△若諸菩薩....則能成熟一切眾生—回向眾生

△則能隨順阿耨多羅三藐三菩提—回向菩提

△則能成滿普賢菩薩諸行願海—回向實際，正示普因究



●校量聞經德：

「若有善男子善女人以滿十方無量無邊不可說不可說佛剎極微塵數一切世界上妙七寶及諸人天最勝安樂布施爾所一切世界所有眾生供養爾所一切世界諸佛菩薩經爾所佛剎微塵數劫相續不斷所得功德若復有人聞此願王一經於耳所有功德比前功德百分不及一千分不及一乃至優波尼沙陀分亦不及一」

△若有善男子善女人一明能校人，雖但舉兩類，若以道俗合論，乃有九類，道有七類：男有三類，即比丘、沙彌、優婆塞，女有四類，比丘尼、沙彌尼、式叉摩那尼、優婆夷，俗有未受戒男子女人二類，此九類攝盡一切善男女也

△以滿十方無量無邊....及諸人天最勝安樂一舉能校之寶物

言七寶者(1)金(2)銀(3)珊瑚(4)磲磔(5)瑪瑙(6)赤珠(7)摩尼，此出外財所受用德

諸人天最勝安樂，此並出內財能受用德

以滿無量無邊佛刹塵數，言寶物多，以上為所施物勝

△布施爾所一切世界所有眾生一顯布施下凡人多

爾所即前所言無量無邊不可說不可說佛刹極微塵數

△供養爾所一切世界諸佛菩薩一顯供養上聖亦多

△經爾所佛刹極微塵數劫一言施供時長

△相續不斷一顯日無空過者

△若復有人以下一正明校量，顯聞願王殊勝

願餘眾行德——  
    (一)總明法行  
    (二)廣顯眾德

→總明法行：

「或復有人以深信心於此大願受持讀誦乃至書寫一四句偈速能除滅五無間業所有世間身心等病種種苦惱乃至佛刹極微塵數一切惡業皆得消除一切魔軍夜叉羅刹若鳩槃荼若毗舍闍若部多等飲血啗肉諸惡鬼神皆悉遠離或時發心親近守護」

△或復有人....乃至書寫一四句偈——總明法行



大疏云：法行總有十種(1)書寫(2)供養(3)轉施(4)聽聞(5)披  
讀(6)受持(7)開示(8)諷誦(9)思惟(10)  
修習

偈即頌也，四句爲一頌，言一四句者，取其最少不過一  
四句也

又一義圓足名一四句也

△以下經文一略說功德

△速能除滅五無間業....皆得消滅一明離惡業

△五無間業一無間即阿鼻之華言，具五義故曰五無間：

(1)受生無間—此人死後，如射箭樣，即入獄中

(2)壽量無間—以無中天者

(3)身量無間—以身徧滿故

(4)受苦無間—一日一夜，萬死萬生

(5)受報無間—死已復生，生已復死

名五無間業者，即五逆罪，謂：(1)殺父(2)殺母(3)出佛身  
血(4)殺阿羅漢(5)破和合  
僧


△速能除滅—顯普賢願王之力也

△一切魔軍以下經文—以顯現報

△魔—梵之魔羅，華言殺者，能殺修行人慧命故，魔有四  
種(1)煩惱魔，是生死因(2)天魔，是生死緣(3)蘊魔(4)死魔  
，此二魔是生死果

△軍—眾也，即指下鬼神



△夜叉—捷疾鬼，羅刹—食人鬼，鳩槃荼—啖精氣鬼，毗  
舍闍—啖氣鬼，部多—此云大身，亦云自生，從父母生  
者爲夜叉，自生者爲部多



1. 偏舉一行：

「是故若人誦此願者」

△ 舉一例餘



甲、增上果：

「行於世間無有障礙如空中月出於雲翳諸佛菩薩之所稱讚一切人天皆應禮敬一切眾生悉應供養」

△ 此顯經之增上力用也

乙、等流果：

「此善男子善得人身圓滿普賢所有功德不久當如普賢菩薩速得成就微妙色身具三十二大丈夫相」

△ 等流者，謂誦經人，便如普賢同等之流也

丙、異熟果：

「若生人天所在之處常居勝族」

△ 異熟者，謂異生方熟，乘因感果也，故所言非前之現報，乃顯生報也

丁、士用果：

「悉能破壞一切惡趣悉能遠離一切惡友悉能制伏一切外道」

△士指大士，乃菩薩之別名，謂此人雖非真大士，有大士之勝用，故名士用。

△上科明異生之果，此科顯異生之報，即生報力用。

戊、離繫果：

「悉能解脫一切煩惱如師子王摧伏群獸堪受一切眾生供養」

△離繫者，繫是繫縛，即煩惱也，謂誦經功德，任運而能破除煩惱。

△悉能解脫一切煩惱—以法明。

△如師子王，摧伏群獸—以喻明。

△堪受一切眾生供養—顯德。

②別明淨土果—  
┌ 甲、顯法功德  
└ 乙、別明勝果

甲、顯法功德：

「又復是人臨命終時最後剎那一切諸根悉皆散壞一切親屬悉皆捨離一切威勢悉皆退失輔相大臣宮城內外象馬車乘珍寶伏藏如是一切無復相隨唯此願王不相捨離於一切時引導其前一剎那中即得往生極樂世界」

△又復是人...如是一切，無復相隨—顯世間有漏果報，所謂萬般將不去也。

△唯此願王以下經文—顯出世間無漏德業，所謂唯有願隨身也。

△唯此願王，不相捨離—願王不離。

△於一切時，引導其前—隨時引導。

△一剎那中，即得往生極樂世界—得生淨土。

乙、別明勝果—  
┌ ①正明化生  
└ ②利生大用

① 正明化生：

「到已即見阿彌陀佛文殊師利菩薩普賢菩薩觀自在菩薩彌勒菩薩等此諸菩薩色相端嚴功德具足所共圍繞其人自見生蓮華中蒙佛授記」

△到已，即見阿彌陀佛...彌勒菩薩等—得見聖眾

△此諸菩薩...所共圍繞—顯聖德相

△其人自見生蓮花中，蒙佛授記—見生授記

② 利生大用

「得授記已經於無數百千萬億那由他劫普於十方不可說不可說世界以智慧力隨眾生心而為利益」

△得授記已—明得記

△以下經文—顯利生，分三部份以明之：

△經於無數百千萬億那由他劫—標利生時

△普於十方不可說不可說世界—顯利生處

△以智慧力，隨眾生心而為利益—正明利生

③ 究竟成佛果：

「不久當坐菩提道場降伏魔軍成等正覺轉妙法輪能令佛刹極微塵數世界眾生發菩提心隨其根性教化成熟乃至盡於未來劫海廣能利益一切眾生」

△此明究竟成佛果，亦可謂離繫報，究竟脫離煩惱故

△此段經文分為六：

(1) 不久當坐菩提道場—身坐道場

(2) 降伏魔軍，成等正覺—降魔成佛


(3) 轉妙法輪—弘法利生

(4) 能令佛刹極微塵數世界眾生，發菩提心—令眾發心

(5) 隨其根性，教化成熟—隨機成熟

(6) 乃至盡於未來劫海，廣能利益一切眾生—廣益無盡

△顯經勝德竟



●結前勝德：

「善男子彼諸眾生若聞若信此大願王受持讀誦廣為人說所有功德除佛世尊餘無知者」

△意謂：若人聞信願王，或能受持讀誦為人說者，所有功德之大，無可為比，唯佛知之。

●正明勸持：

「是故汝等聞此願王莫生疑念應當諦受受已能讀讀已能誦誦已能持乃至書寫廣為人說」

△是故汝等聞此願王莫生疑念—初囑莫生疑念，以疑則不信，不信必不肯持。


△應當諦受...廣為人說—正勸。

●重舉勝德：

「是諸人等於一念中所有行願皆得成就所獲福聚無量無邊能於煩惱大苦海中拔濟眾生令其出離皆得往生阿彌陀佛極樂世界」

△大疏云：殷勤頌德，意在勸持，此一卷經，文約義豐，實修行之玄要，乃華嚴之幽鍵，功高德遠，人宜精修，印度王臣，無人不讀。

△長行文竟。



一標頌：

「爾時普賢菩薩摩訶薩欲重宣此義普觀十方而說偈言」


△欲重宣此義者，顯重頌也，重頌之意，總有其四：

- (1)為後來不聞，欲令得聞故
- (2)為未悟之者，重聞令悟解故
- (3)為長行文略，以偈廣之，令易曉會故
- (4)為結句受持，文稍易故

有斯四意，故重頌之

△普觀十方而說偈言—明大士未說頌前，先以法眼普觀十方，何故？

為鑒現前大眾，能否欣樂乎



(一)正示普因：

1. 頌禮敬諸佛(二偈)：

「所有十方世界中三世一切人師子我以清淨身語意一切偏禮盡無餘普賢行願威神力普現一切如來前一身復現刹塵身一一偏禮刹塵佛」

△所有十方世界中三世一切人師子—頌所禮

△我以清淨身語意—頌能禮

△一切偏禮盡無餘—明周徧

△普賢行願威神力—辯徧因

△普現一切如來前....—一徧禮刹塵佛—別顯禮相

謂一一佛所，各有多身，一一己身，能起多禮

2. 頌稱讚如來(二偈)：

「於一塵中塵數佛各處菩薩眾會中無盡法界塵亦然深信

諸佛皆充滿各以一切音聲海普出無盡妙言辭盡於未來  
一切劫讚佛甚深功德海」

△稱讚二偈中，前偈明所讚，唯深信二字屬能讚因

△後一首偈全顯能讚

△各以一切音聲海普出無盡妙言辭—此前半偈明讚相

△盡於未來一切劫—明讚時

△讚佛甚深功德海—正明稱讚

### 3. 頌廣修供養(二偈)：

「以諸最勝妙華鬘伎樂塗香及傘蓋如是最勝莊嚴具我以供  
養諸如來最勝衣服最勝香末香燒香與燈燭一一皆如妙高  
聚我悉供養諸如來我以廣大勝解心深信一切三世佛悉以  
普賢行願力普徧供養諸如來」

△此文三偈，初二偈之前三句皆標所供具，後一句正申供  
養

△後偈中：

一切三世佛—明所供境

我以廣大勝解心悉以普賢行願力—此二句標所供因

普徧供養諸如來—正申供養

### 4. 頌懺除業障(一偈)：

「我昔所造諸惡業皆由無始貪瞋癡從身語意之所生一切我  
今皆懺悔」

△我昔所造諸惡業—標所懺業

△皆由無始貪瞋癡—明造業因

△從身語意之所生—指造業具

△一切我今皆懺悔—正申懺悔

### 5. 頌隨喜功德(一偈)：

「十方一切諸眾生二乘有學及無學一切如來與菩薩所有功

## 德皆隨喜」

△此首偈頌除最後三字「皆隨喜」是明能隨喜外，其餘皆明所隨喜

△十方一切諸眾生—明六凡

△二乘有學及無學—明二乘

△一切如來與菩薩—明大乘

△所有功德—總出聖凡功德

6. 頌請轉法輪(一偈)：

「十方所有世間燈最初成就菩提者我今一切皆勸請轉於無上妙法輪」

△前兩句標所勸請

△我今一切皆勸請—正明勸請

△轉於無上妙法輪—明所請事

7. 頌請佛住世(一偈)：

「諸佛若欲示涅槃我悉至誠而勸請惟願久住剎塵劫利樂一切諸眾生」

△諸佛若欲示涅槃—標所請

△我悉至誠而勸請—正明勸請

△以下兩句是勸請意，其中

唯願久住剎塵劫—明住所經時

利樂一切諸眾生—述所為事

8. 頌後三門(四十偈頌) —

①合頌三門(三十六偈頌)	—	甲. 頌總標回向(一偈頌)
②頌願生淨土(四偈頌)		乙. 別頌三門(三十四偈頌)
		丙. 結歸回向(一偈頌)

甲. 頌總標回向：

「所有禮讚供養佛請佛住世轉法輪隨喜懺悔諸善根迴向眾生及佛道」



△前三句經文總牒前之七願

△回向眾生及佛道—正明回向

乙.別頌三門

- ①頌常隨佛學(二偈頌)
- ②頌恆順眾生(二偈頌)
- ③頌普皆回向(三十偈頌)

①頌常隨佛學：

「我隨一切如來學修習普賢圓滿行供養過去諸如來及  
與現在十方佛未來一切天人師一切意樂皆圓滿我願  
普隨三世學速得成就大菩提」

△我隨一切如來學—標示

△修習普賢圓滿行...未來一切天人師—正明隨學

△一切意樂皆圓滿—明隨學所因

△我願普隨三世學—結成隨學

△速得成就大菩提—隨學意

②頌恆順眾生：

「所有十方一切剎廣大清淨妙莊嚴眾會圍繞諸如來悉  
在菩提樹王下十方所有諸眾生願離憂患常安樂獲得  
甚深正法利滅除煩惱盡無餘」

△此二偈，初一偈標能益之尊，後偈顯為生啓願

△本明順生，何先舉佛，以順眾生，即順諸佛，故先  
舉諸佛

△所有十方一切剎廣大清淨妙莊嚴—標所依淨剎

△眾會圍繞諸如來悉在菩提樹王下—顯能依眾會

△十方所有諸眾生—明所順生

△下三句明申願意

△願離憂患常安樂—離憂常安

△獲得甚深正法利—獲深法利

△滅除煩惱盡無餘—滅除煩惱

- ③普皆回向(三十偈) —
- A. 別發大願十(二十二偈)
  - B. 總結大願(八偈)

A.1 受持願(護法願)：

「我為菩提修行時一切趣中成宿命常得出家修淨戒  
無垢無破無穿漏天龍夜叉鳩槃荼乃至人與非人等  
所有一切眾生語悉以諸音而說法」

△按十地經，有十大願：(1)供養(2)受持(3)轉法輪(4)  
修行二利(5)成熟眾生(6)承事(7)淨土(8)不離(9)利益  
(10)成正覺

△今即彼第二願也，亦名護法願，故十地經云：願  
受一切佛法輪，願攝一切佛菩提，願護一切諸佛  
教，願持一切諸佛法

△我為菩提修行時—願攝一切佛菩提

△一切趣中成宿命—願持一切諸佛法

△常得出家修淨戒無垢無破無穿漏—願護一切諸佛  
教

△後偈—願受一切佛法輪，即是如來以一切音而說  
法，全能徧受持

A.2 修行二利願：

「勤修清淨波羅密恆不忘失菩提心滅除障垢無有餘  
一切妙行皆成就於諸惑業及魔境世間道中得解脫  
猶如蓮華不著水亦如日月不住空」

29 △此即十地經第四願

△一切妙行皆成就—此句是總，其餘各句為別

29 △勤修清淨波羅密—明行體，即十波羅密，能除蔽

言清淨

△恆不忘失菩提心—以忘失菩提心，修諸萬行，皆成魔業

△滅除障垢無有餘—明行業，以十度淨十蔽故，何為十蔽：(1)慳度(2)毀禁(3)瞋恚(4)懈怠(5)散亂(6)愚癡(7)耽滯(8)退屈(9)怯劣(10)昧事

△後面這首偈是明行相

△前二句是法說，於諸惑業得解脫者，即出世間行，及魔境界，世間道中得解脫者，即世間行，猶如蓮華及日月喻，雙喻二行，亦可日月喻出世間解脫，不住空故，蓮華喻世間解脫，在水中故。

A.3成熟眾生願：

「悉除一切惡道苦等與一切群生樂如是經於剎塵劫  
十方利益恆無盡我常隨順諸眾生盡於未來一切劫  
恆修普賢廣大行圓滿無上大菩提」

△此即十地經第五願

△第五句「我常隨順諸眾生」—是總，餘句為別

△悉除一切惡道苦—離苦，因果皆離

△等與一切群生樂—得樂，乃至涅槃

△如是經於剎塵劫—豎長

△十方利益恆無盡—橫徧

△盡於未來一切劫....圓滿無上大菩提—總結長時所成因果

A.4不離願：

「所有與我同行者於一切處同集會身口意業皆同等  
一切行願同修學所有益我善知識為我顯示普賢行  
常願與我同集會於我常生歡喜心」

△此即十地經第八願，謂願於一切生處，恆不離佛及諸菩薩，得同意行，故亦名心行願，願不離一乘故

△所有與我同行者—是總說，同志一乘故，餘句為別

△於一切處同集會身口意業皆同等—即三輪同

(1)意業同—平等一緣故，即亡緣照境也

(2)身業同—同得如意神通故

(3)語業同—同說一味法故

△一切行願同修學—若福若智，萬行皆同

△後一偈明益我，故名勝進

A.5 供養願：

「願常面見諸如來及諸佛子眾圍繞於彼皆興廣大供盡未來劫無疲厭願持諸佛微妙法光顯一切菩提行究竟清淨普賢道盡未來劫常修習」

△此即十地經第一願

△第三句為總，興廣大供故，大有六種：(1)心大，無疲厭故(2)供具大，財法正行皆具足故，財供攝在總句，正行即第五、六句(3)福田大，即初二句(4)攝功德大，即第七句中，究竟普賢道，是勝功德故(5)因大，即第七句中清淨二字(6)時大，即第八句

A.6 利益願：

「我於一切諸有中修福智恆無盡定慧方便及解脫獲諸無盡功德藏一塵中有塵數刹一一刹有難思佛一一佛處眾會中我見恆演菩提行」

△願於一切時，恆作利益眾生事業，無空過故，亦

名三業不空願，如十地經云：願乘不退輪，行菩薩行，身語意業，悉不唐捐

△我於一切諸有中....定慧方便及解脫—不空因

△獲諸無盡功德藏—不空果

△一塵中有塵數刹....一一佛處眾會中—明處徧

△後句「恆」字—顯時徧

△演菩提行—即能益法，利眾生也

△謂徧於時處，求能益法，利眾生故

A.7轉法輪願：

「普盡十方諸刹海一一毛端三世海佛海及與國土海  
我徧修行經劫海一切如來語清淨一言具眾音聲海  
隨諸眾生意樂音—一流佛辯才海三世一切諸如來  
於彼無盡語言海恆轉理趣妙法輪我深智力普能入  
」

△此即十地經第三願，謂轉佛法輪，願皆攝取而轉授故

△初偈轉法輪處，若據有修行之言，合屬前段為修行處，但前已有處故屬此段

△次一偈明能轉圓音，以佛無心定出一音，故能普應一切眾音，其猶谷響

△三世一切諸如來，於彼無盡語言海—轉法輪時，文有三世之言，故判為時

△恆轉理趣妙法輪—所轉法輪

△我深智力普能入—能攝方便，即彼經云：皆悉往詣親近供養，為眾上首，受行正法，供養則集功德方便，受行正法，則集智慧方便，此二助菩提法，故云方便也，今文，普入即皆悉往詣也，若

不以深智，即不能悉往普入，故云深智力

#### A.8淨土願：

「我能深入於未來盡一切劫爲一念三世所有一切劫  
爲一念際我皆入我於一念見三世所有一切人師子  
亦常入佛境界中如幻解脫及威力」

△此即十地經第七願，願清淨自他受用二土，文中  
雖無淨土之言，然具有七種淨義，故知是淨土願

△我能深入於未來....爲一念際我皆入一第一同體  
淨，以同法性故，令一多互相即入，文雖辯念劫  
圓融，意取時中圓融之剎

△我於一念見三世所有一切人師子—第二自在淨，  
如摩尼珠，美惡斯現，自在圓通故

△亦常入佛境界中—第三因淨，因有二：(1)生因，  
謂六度，如淨名云：布施是菩薩淨土(2)依因，又  
有二：①鏡智淨識爲土所依，自受用土②後智通  
慧爲土所依，他受用土，此二皆是諸佛境界

△如幻二字—第四果淨，果亦有二：(1)所生果，即  
諸佛境界(2)示現果，臨機示現，故云如幻

△解脫及威力—第五受用淨，謂受用淨土，離過成  
德，今解脫煩惱，即是離過，威力之能，即是成  
德

△梵本此句無“及威力”，有眷屬字，此即第六住處  
眾生淨，人寶爲嚴故

△境界二字，即第七相淨

#### A.9承事願：

「於一毛端極微中出現三世莊嚴剎十方塵刹諸毛端  
我皆深入而嚴淨所有未來照世燈成道轉法悟群有

## 究竟佛事示涅槃我皆往詣而親近」

△此即十地經第六願

△我皆往詣而親近—是總，往詣親近，即承事也

△前一首偈明承事處

△於一毛端極微中出現三世莊嚴刹—即真實義相

△三世莊嚴刹—即一切相，淨土體相有差別故

△十方歷刹諸毛端—即無量相，謂前二相偏十方故

△我皆深入而嚴淨—辯能知見，知見有二：(1)所知

，即前三種相是(2)能知，十地經云：智皆明了，

現前知見，明為智知，非識境故

△所有未來照世燈—所承事佛

△成道轉法悟群有究竟佛事示涅槃—即承事時，八

相也，以成道至涅槃含八相義故

A.10 成正覺願：

「速疾周徧神通力普門徧入大乘力智行普修功德力  
威神普覆大慈力徧淨莊嚴勝福力無著無依智慧力  
定慧方便威神力普能積集菩提力清淨一切善業力  
摧滅一切煩惱力降伏一切諸魔力圓滿普賢諸行力  
」

△十地經亦列在十，文有十二力，前九明七種業用，後三結因成果

△速疾周徧神通力—即自在業，以神通力普周徧故

△普門徧入大乘力—示正覺業，不離一毛端處，而於一切處八相成道，故名普門

△智行普修功德力....徧淨莊嚴勝福力—即說實諦業

智行普修功德力—以智行力內滿功德  
威神普覆大慈力—以大慈力覆一切 } 說德

徧淨莊嚴勝福力—以福德力徧清淨，即是自他離障，亦說之益

△無著無依智慧力—即證教化業，說自所證以化物故

△定慧方便威神力—種種說法業，具足定慧方便等故

△普能積集菩提力—不斷佛種業，積集菩提，佛種豈斷

△清淨一切善業力—法輪復住業，依大智慧，能淨一切諸善根故

△後三句—結因成果

摧滅一切煩惱力—內伏煩惱

降伏一切諸魔力—外降諸魔

圓滿普賢諸行力—普賢行圓

B. 總結大願(八偈) —  
—B.1 總結十願(三偈)  
—B.2 結歸二聖(五偈)

B.1 總結十願：

「普能嚴淨諸刹海解脫一切眾生海善能分別諸法海  
能甚深入智慧海普能清淨諸行海圓滿一切諸願海  
親近供養諸佛海修行無倦經劫海三世一切諸如來  
最勝菩提諸行願我皆供養圓滿修以普賢行悟菩提  
」

△普能嚴淨諸刹海—總結淨土願

△解脫一切眾生海—總結成熟眾生願

△善能分別諸法海—總結轉法輪願

△能甚深入智慧海—總結受持願



△普能清淨諸行海—總結修行二利願

△圓滿一切諸願海—總結利益願，由願圓故

△親近供養諸佛海—總結承事，供養二願

△修行無倦經劫海—總結不離願，同志行故，長時無倦

△三世一切諸如來...以普賢行悟菩提—總結成正覺願，以三世因圓正覺果滿故

B.2結歸二聖—  
┌ B.2.1偏同普賢  
└ B.2.2雙同二聖

B.2.1偏同普賢：

「一切如來有長子彼名號曰普賢尊我今迴向諸善根願諸智行悉同彼願身口意恆清淨諸行剎土亦復然如是智慧號普賢願我與彼皆同等」

△普賢發願，願同普賢者，普賢名通故，亦即願同諸佛之普賢因普賢為諸佛成佛本因故

△法華重智，以文殊為長子，普賢為少男，華嚴重行，以普賢為長子，文殊為少男

B.2.2.雙同二聖：

「我為偏淨普賢行文殊師利諸大願滿彼事業盡無餘未來際劫恆無倦我所修行無有量獲得無量諸功德安住無量諸行中了達一切神通力文殊師利勇猛智普賢慧行亦復然我今迴向諸善根隨彼一切常修學」

△二聖表法，別說文殊表由解發願，普賢表依解起行，合說則文殊表智，普賢表理，理智一如，未有理外之智，亦無智外之理，皆一體故

△又雙表理智一相，行願相扶，故云：具足文殊智者，必有普賢行，具普賢行者，必有文殊智

丙、結歸回向：

「三世諸佛所稱歎如是最勝諸大願我今迴向諸善根為得普賢殊勝行」

△合頌三門迴向，上來諸願皆屬回向，彌顯三段皆屬回向

②頌願生淨土：

「願我臨欲命終時盡除一切諸障礙面見彼佛阿彌陀即得往生安樂刹我既往生彼國已現前成就此大願一切圓滿盡無餘利樂一切眾生界彼佛眾會咸清淨我時於勝蓮華生親覩如來無量光現前授我菩提記蒙彼如來授記已化身無數百俱胝智力廣大徧十方普利一切眾生界」

△願生淨土有四義：(1)有緣故(2)使眾生心歸一處故  
(3)不離華藏故(4)彌陀即本師故

8. 頌總結十門無盡：

「乃至虛空世界盡眾生及業煩惱盡如是一切無盡時我願究竟恆無盡」

△乃至一起略之詞

△此偈乃反顯無盡義

(二)頌顯經勝德——  
1. 頌校量聞經益  
2. 通頌顯眾行益

1. 頌校量聞經益：

「十方所有無邊刹莊嚴眾寶供如來最勝安樂施天人經一切刹微塵劫若人於此勝願王一經於耳能生信求勝菩提心渴仰獲勝功德過於彼」

△十方所有無邊刹...經一切刹微塵劫—能校

△若人於此勝願王...獲勝功德過於彼—所校

2.通頌顯眾行益(四偈)——

- ①通頌五果
- ②頌究竟果

①通頌五果：

「即常遠離惡知識永離一切諸惡道速見如來無量光  
具此普賢最勝願此人善得勝壽命此人善來人中生  
此人不久當成就如彼普賢菩薩行往昔由無智慧力  
所造極惡五無間誦此普賢大願王一念速疾皆消滅  
族性種類及容色相好智慧咸圓滿諸魔外道不能摧  
堪為三界所應供」

△即常遠離惡知識...具此普賢最勝願—增上果。

即誦普賢行願品為因，所得之果，又能增上行願，增上有二：(1)惡法不障，行願即增上，即初二句，(2)善法能助普賢行願力增上，即後二句

△此人善得勝壽命...如彼普賢菩薩行—等流果，

即如是因如是果，因果相等，同一流類也

△往昔由無智慧力...一念速疾皆消滅—離繫果，

繫是繫縛，即煩惱也

△族姓種類及容色相好智慧咸圓滿—異熟果，是為

異生方熟，乘因感果也，即非前之現報，乃顯生報也

△諸魔外道不能摧堪為三界所應供—士用果，士指

大士，乃菩薩之別名，謂此人雖非真大士，有大士之勝用也

②頌究竟果：

「速詣菩提大樹王坐已降伏諸魔眾成等正覺轉法輪  
普利一切諸含識」

△究竟果即成佛果也

△文舉三相，實該八相，亦即示現成佛也

△含識—含有知識一切眾生也

(三)頌結勸受持

- 1. 結前諸行
- 2. 重顯勝益
- 3. 結成回向

1. 結前諸行：

「若人於此普賢願讀誦受持及演說」

△即結前十種法行，可見十行隨行一行皆得如上殊勝果報

△讀誦受持—自利                  演說—利他

2. 重顯勝益：

「果報唯佛能證知決定獲勝菩提道若人誦此普賢願我  
說少分之善根一念一切悉皆圓成就眾生清淨願」

△殷勤頌德，意在勸持

3. 結成回向：


「我此普賢殊勝行無邊勝福皆回向普願沉溺諸眾生速  
往無量光佛刹」

△前之迴向，合而又分，分而又合，今又結成迴向者，  
前乃普賢迴向，此是個人之迴向，誰誦此行願品，  
即屬誰之迴向

二、結說讚善：

「爾時普賢菩薩摩訶薩於如來前說此普賢廣大願王清淨獨  
已善財童子踴躍無量一切菩薩皆大歡喜如來讚言善哉善  
哉」

△結說讚善者，結普賢菩薩對善財童子說此行願品也




(一)指所說法：

「爾時世尊與諸聖者菩薩摩訶薩演說如是不可思議解脫境界勝法門時」

△言歸佛說者，凡諸法會，佛為化主，雖菩薩說，經佛印可，即為佛說

△不可思議解脫境界勝法門—即指所說法



① 菩薩眾：

「文殊師利菩薩而為上首諸大菩薩及所成熟六千比丘彌勒菩薩而為上首賢劫一切諸大菩薩無垢普賢菩薩而為上首一生補處住灌頂位諸大菩薩及餘十方種種世界普來集會一切剎海極微塵數諸菩薩摩訶薩眾」

△文殊師利菩薩....六千比丘—第一類

△彌勒菩薩而為上首賢劫一切諸大菩薩—第二類

以上二類多在此第九會之末會

△無垢普賢菩薩....住灌頂位諸大菩薩—第三類，

此多等覺菩薩，義通常隨眾，常隨佛故，徧該九

會

△及餘十方種種世界...極微塵數諸菩薩摩訶薩—  
第四類，即第九會遠來新眾及九會舊眾

②聲聞眾：

「大智舍利弗摩訶目犍連等而為上首諸大聲聞」

△舍利弗為主，所度六千比丘為伴，伴已入菩薩眾  
中，主仍在聲聞眾中者，因大智舍利弗發菩薩心  
度聲聞眾生

③雜類眾：

「並諸人天一切世主天龍夜叉乾闥婆阿修羅迦樓羅  
緊那羅摩睺羅伽人非人等一切大眾」

△此雜類諸神眾如帝釋、八部護法神

2.總顯受持：

「聞佛所說皆大歡喜信受奉行」

△聞—聞慧 信受—思慧 奉行—修慧

△全經竟